

WIEN UN DEE BIBOL:
CHRISTUNTUUM AA SCANLONSHA FALA
Bootshofft 8

ENNLEIDING: (Fu woo disu Wiad uut too shraekjun see daut 'Uutshpraekjungs Blaut'. For pronunciation see the 'Uutshpraekjungs Blaut'.

Ditt ess dee latstu Bootshofft aun dee Lia fonn daut jubrukk fonn Wien no dee Shreffft no. Wie fongun aun mett nu Jushicht fonn een Dixon, unn woo dee mengt haud unn Politz jushotun. Daut wia soo secha daut dee daut haud, daut sikj daut soo sheen daut brukkt nich mol no jusocht. Aum Eng wia daut oba nich soo. Soo hab ekj faajushlaugun ess daut mett daut jubrukk fonn Alcohol enn dee Shreffft.

Unn nuu, enn dam sawundun unn latstun Pungk hab ekj Oppwies jujaft daut Alcohol brukkun nich aunjunam ess bie Gott. Ekj hab ol Oppwies fonn dee Bibol, fonn wessu Bibol Wiad, fonn dee Wissunshaft, unn fonn daut Jusats jujaft. Unn toom latstun well ekj Oppwies jawun fonn nu seeja grausommu Lia, fonn dam Kjarpa, fom praktashun, fonn dam Beesun, fonn dam Menchlichun, fonn dam funinftijun, unn fonn dam Heilijun Jeist.

Wann ekj ditt hab, dann woash duu, leewa Toohiara, fu die selfst dam Rechta sien Homa shlonun unn saijun, "Soo jleew ekj." Oba, daut kunn senun daut doawaejun daut doa soo fal informatsjioun ess derch too dengkjun daut duu muchst saijun, "Ekj mott mie ditt wieda derch dengkjun." Unn aum eng, wann dien Lawun awa ess, dann, leewa Toohiara, woarun ekj unn duu aulubeid farr Gott shtonun, unn hee woat onns no dee woarheit rechtun. Doa woa wie nich shtriedun. Doa woa wie fu onns ajunut Lawun raekjunshofft jawun. Dann rod ekj too, lot dien Homa sikj hiarun awa daut waut bie Gott raicht ess.

E. Oppwies Fonn Nu Grausommu Lia

Nuu, dee oppwiess fonn nu grausommu Lia. Doa ess nu lia enn dee Shreffft waut doa seeja grausom ess, dee Lia ess jresslich, unn toom engston. Dee Lia liat waut waut doa soo seeja weedaugol bringun woat daut falu saijun, daut kaun mol nich soo shlemm senn. Falu waut saijun see jleewun dee Biebol, saijun oba see jleewun disu Lia nich. Menchun habun fal jushtudiat disu Lia proowun wiacht too doon, oba dee Lia blifft,

dee shteit jushrawun. Daut ess dee Lia fonn dee Hall.

Unn disu Lia saicht daut soonu waut woarun awaju'nomun mett wessu Sindun, woarun enn ditt shraikoljut Fia nenn mottun, unn dee woarun omm eewich brenun. Enn 1 Korinta 6:9-10 unn Galauta 5:19-21, hab wie twee listun fonn Sindun waut sai jun daut dee waut ditt doon woarun daut Himolrikj nich erlangun. Unn fonn dee Sindun enn dee Listun ess Suupun. Dee Suupa, saicht daut, woat daut Himolrikj nich erlangun. Wuud Dee groota, sheena Gott waut aulus raicht deit, Mench too rodun unn bessju fonn soont dringkjun waut dam fuuts woat jaejun jieda Organ emm Kjarpa feitun, unn waut dam dunn Senn fuuts woat buteibun soo daut dee nich meeja gaunts raich dengkjun deit, unn dam meis fuuts maekt meeja fonn disun Dring wellun? Wood Gott daut doonun unn dann sai jun, "Oba nuu hia fuuts opp, suss woasht duu too fal habun juhaut"? Wood Gott Mench soont too rodun too dringkun waut dam woat faust namun, unn nuu kaun dee nich meeja loos? Dee ess nuu unn Sklow too daut. Wood Gott Mench soont too rodun too dringkun waut woat 1 uut 10 no dee Hall shekjun? Wood Gott Mench soont too shtiarun waut eenum uut 10 waut een Dringk nempt woat unn Alcoholic woarun; unn eena uut 10 fonn dee woarun sikj daut Lawun namun? Ekj Kaun ditt nich bujriepun.

F. Oppwies Fonn Dam Kjarpa

Nuu well wie u'mol fu een shtootsju aulu Judangkun fonn Mench sien jeistoljut lawun waich doon unn bloos aun dam Kjarpa dengkun. Unn dann well wie mol frau jun, "Ess daut weis Alcohol too dringkun soo wiet aus bloos dee Kjarpa ommbulangt ess?" Wie weetun fonn dee Wissunshofft daut Alcohol Jefft unn unn Drug ess. Wie weetun daut diss Alcohol, soo feks aus dee enn dam Bloot Shtroom ess, jaejun jieda Organ emm kjarpa aun fangt too feitun. Wie weetun daut daut Alcohol Atun ess, oba dee Calories senn ladich, unn daut Alcohol jeit nich fomm Kjarpa too brukkun soo aus aundrut Atun. Unn doch, benna Minuutun wann daut emm Bloot Shtroom ess, ess daut ukk bie jieda Organ unn feit doa jaejun. Unn dee Kjarpa, soo feks aus daut Alcohol enn dam Bloot Shtroom ess, fangt aun ditt Jefft tu provun ruut too driewun. Oba daut jeit nich soo ruut aus juweenoljut Atun. Daut mott uut Huut

unn uutü Hoa ruut jushowun. Unn dee Lawa dee helt daut gaunz dolstu hann, unn ukk dee Fushtaunt. Unn daut Alchöhol maekjt fal Fushtaunt cells doot eeja dee Kjarpa daut kaun loos woarun. Ekj fraug, ess daut Weis soont too dringkjün?

Enn dee Shtats ess Alchöhol dee dreda hechstu Probleem fu dee Jusundheit em Kjarpa. Unn daut fangt sikj emma dolla aun too pusiärun enn dee Kjoakj. Ditt leidt no fal Trubols enn daut bufriedut lawun. Falu bufriedu Poatnash gon uutum een derch Alcahol.

Unn fu dam Kjarpa, wann unn Mench bloos unn besju dringkt, omm unn shtootsju woat dee Kjarpa faust doa aun unn dan kaun dee nich loos. Eena saich daut wann wie saijun too unn Alchölic dee saul opp hiarun mett dringkjün, daut ess soo aus saijun too eenum waut uutum Fensta hupst, "Hia opp mett faulun." Soona kaun sikj selfst nusht eeja selfst halpun aus dee waut doa hupst sikj kaun enn medd Lofft opp hoolun. Oba, dann saicht hee daut soonu waut no soonu shtada gon waut doa senn oppjushtalt soonu too halpun, fonn 60-70% kjenn juhölpun woarun. Ditt ess goodu norecht.

Wieda, Alchöhol emm Kjarpa bingt Menchun loos fonn daut waut dam helt fonn soont doon waut nich sheklich ess. Dee Tung woat loosa unn soonu waut aundash nich fal saijun, saijun mett eemol soont waut nich juhiat. Jungu Frulied unn Jungus fangun aun daut too doon waut nich sull. Daut ess waut Alcahol deit too dam Fushtaunt. Alchöhol well dee morals enn dee famielju unn enn dee Kjoakj dol rietun.

Unn dann fraug wie, ess daut Weis daut eena wuud Alchöhol dringkjün, wann daut aul ditt deit emm Kjarpa?

G. Oppwies Fonn Dam Praktishun

Soo wiet aus ekj kaun uut fingjün ess doa ukk kjeen practisha jubruk fu Alchöhol emm Kjarpa. Oba doa ess fal shodun. Unn wieda daut kjempt seeja dia. Ekj hiad nu kjlienu Jushicht fonn een Alchölic waut sikj bukjiat haud. Unn aus hee hiad daut Jeesus haud Wien jumaekt fonn Wota, wia amm daut doch noch nich soo oppfaulunt aus daut wia daut Jeesus haud Wien enn Mailkj nenn judreit. Eeja hee sikj haud bukjiat haud

hee emma nich junuuach Jelt awa juhoolun dee Kjingja Mailkj too kjeepun. Oba nuu daut hee sikj bukjiat haud, haud hee Jelt Mailkj too kjeepun.

Doa senn soonu dee sai jun, "Oba ekj foa no daut dringk Huus unn rad doa too aundru fonn Jeesus." Oba ekj fraug, deis duu doa ukk dringkjun? Meeja woarun fulorun auss seelich jumaekt enn dee Dringkj Hiesa. Een Pradja enn Canada saicht daut enn 50 Joa kjoakjun hafft hee noch niemols juhiat fonn eenum dee sikj doa enn daut dringk Huus bukjiat hafft.

Augustine, meist 2000 Joa trigg hafft jusaicht, "Wien dringkun ess dee Mutta fonn aulut Showanakun, dee Wartol fonn aulut Fubraakjun, dee Shprigk fonn aulu Falash, dee Kjriesolwint fonn dam Fushtaunt, dee awashmieta fonn dam Senn, dee Wint fonn dee Tung, dee fudoafnuss fonn daut Lief, dee shaund fonn daut Lawun, dee ensudlung fonn daut opprechtju, unn dee Plaug unn fudoafnuss fonn dee Seel."

Waut wuud wie sai jun wann wie kunn talun waut Alcahol hafft too famieljus judon? Billy Sunday, unn Pradja joarun trig enn dee Shtats kjoakt jaejun Wien. Unn hee hafft jusaicht, "Daut reiwu material fonn Wien senn onnsu Jujunt, unn dee foadju Sach senn dee Huurun, dee Suupa, dee Shtala unn dee Merda."

Dee selfstja Pradja shrifft soo aus wann Alcohol radon kunn. Hee shrifft ditt:

Ekj sie dee jratsta Fubraaka enn fubie jugonu Tiet.
Ekj hab meeja Manna doot jumaekt auss aulu Kriej toop enn dee gauntsu Welt.

Ekj hab willu Tiarun fonn Manna jumaekt.

Ekj hab millijonundu famieljus budrekt.

Ekj hab falu mootju jungu Menchun soo aus aunhengundut Ojuseffa jumaekt.

Ekj hab dam waich rauf glaut jumaekt fu millijonundu.

Ekj fubraek dee shwaku, unn maekj dee shtoakju shwak.

Ekj maek dee Kluuku, Noarn; unn maek dam Noa unn shrnurksja Daumolskopp.

Ekj shleng dam oshuldjun, enn dee oajstu onn'moralishu.

Dee fulotundu Fruu kjant mie.

Dee Elrun, wamp's Kjint ann hafft dam Kopp rauf jubaugun, dee kjann mie.

Ekj hab onn shomp millijonundu fubrukt unn woa
niemols tofrad senn butt ekj noch millijondu
meeja hab.

Ekj senn Alcohol.

Ekj jleew kjeenu Lienju enn daut Judicht ess
awadrawun. Soo schlaicht aus Alcohol ess, daut leidt
no oajrut. Ekj hab eeja juradt fonn daut Buuaksju
waut dee Politz enn Canada no jungu Menchun jawun.
Enn daut Buuak ess un Judicht waut nu jungu Mjaal
jushrawun hafft. Dissu Mjaal wia aun dam Drug,
'Kristal Meth' faust. See wort enjushtopt unn lota
wada frie julotun. Unn nich fal lengja lota fungun su
arr doot mett ditt Judicht waut see selfst jushrawun
hafft. Oba ditt judicht kunn fu Alcohol jushrawun
senn dann Alcohol leidt no oajrut. See shrifft soo:

Ekj furiet daut wuat Tuus heit, Ekj furiet Fumieljus.
Ekj nam junu Kjingja, unn daut ess bloos dee
aunfangk.

Ekj senn diara auss unn Dia'maunt, meeja wiat aus
Golt.

Dee truarichkjeitun waut Ekj bring, senn unn Wunda
too busseen.

Wann die daut aun mie falt, dengk doa aun, Ekj senn
leicht too fingun.

Ekj law runt omm die - enn dee Shool unn enn dee
Shtaut.

Ekj law mett dee Rikju, Ekj law mett dee oamu.
Ekj law opp dee Gaus, unn bie dee naekstu Daa.
Ekj woa jumaekt enn nu Lab, oba nich soo aus duu
dengst.

Ekj kaun unja dam Singk enn dee Kjaakj jumaekt
woarun.

Enn juunu Kjingja aaru Shtoaw, ooda emm Bosh.
Wan ditt die engst butt'm doot; na, daut sull.

Ekj hab falu Nomus, oba dam een nomun kjanun aulu
daut bastu,

Ekj senn sech duu hasst juhiat fonn mie, mien nomun
ess Kristol Meth.

Mienu Krauft ess toom fuwundern, proow, dann woasht
duu seen.

Oba wann duu deist, muchst duu niemols loos kjenn.
Proow mie een mol, dann mucht ekj loos lotun.

Oba proow mie twee mol, dann ajun ekj dienu Seel.

Wann ekj die een mol hab, dann woasht duu shtalun unn
lajun,

Waut duu washt o'raicht doon, fu waut ekj fu die
doo,
Woat daut sheengon wiat senn, waut duu washt feelun
enn mienu Oams.
Du washt lajun too dienu Mammu, duu washt shtalun
fonn dien Foda.
Wann duu aaru Tronn sitts dann sust duu truarun,
Oba duu washt dienu Moralun fujatun, unn woo duu
best opp jubrocht.
Ekj woa dien Juwessun senn, unn die mienu Waaj
liarun.
Ekj nam Kjingja fonn Elrun, unn Elrun fonn Kjingja,
Ekj nam Menchun fonn Gott unn deel Frint fonn Frint.
Ekj woa aulus fonn die namun, woo daut die sitt, unn
daut waut duu huuach heltst.
Ekj woa emma bie die bliewun - kraikt bie dienu Sid.
Duu washt aulus opp jawun - dienu Famielju, dein
Tuus,
Dienu Frind, unn dien Jelt, unn dann best auleen.
Ekj woa namun, unn namun, but duu nusht meeja hast,
Unn wann ekj derch sie, washt duu jleklisch senn wann
duu lafst.
Wann duu mie proofst, paus opp ditt ess kjeenu
shpalarie,
Wann duu mie julaejunheit jeffst, ekj woa die
errsennich driewun.
Ekj woa dien Kjarpa fuplindurn, unn dien Senn
rujiarun.
Ekj woa die gaunz ajunun, dienu seel woat mie
juhiarun.
Ekj woa die beesu Dreem jawun wann duu emm Bad
lichst,
Mienu Shtemmun washt duu hiarun fonn enn dien Kopp.
Dee Shweet unn daut jushedda, unn dee dingja waut duu
washt seen,
Ekj well hann duu saust weetun, daut senn Gowun fonn
mie.
Oba dann ess daut too lot, unn duu washt weetun emm
Hoat,
Daut duu juhiasht mie, unn wie woarun nich sheidun.
Die woat daut leet doon daut duu mie hast juprooft,
soo aus dee daut aula deit,
Oba duu kjeempst no mie, unn nich ekj no die.
Duu wisst ditt wood woarun; fal mols worts jusaicht:
Oba duu shtalls die jaejun mie, unn wals die brow too
senn.
Duu hautst kunt na saijun, unn bloos wiach gon,

Wann duu dam Dach kust awa lawun, waut wooszh duu
dann sai jun?
Ekj woa dien harr senn, unn duu mienu Sklow,
Ekj go mett die mett, jo gaunts butt daut Grauf.
Nuu daut duu mie kjanst, waut woasht duu nuu doon?
Woasht duu mie proowun, ooda woasht duu nicht?
Daut ess opp too die.
Ekj kaun die meeja misrobol bringun, aus Wiad kjenn
futallun,
Comm, nam meinu Haunt, ekj leid die no dee Hall.

Dengkt, daut wia nu jungu Mjaal waut daut jushrawun
hafft. Ekj frau, woon gott saicht doa, "Dringkn unn
bat, daut shot goanich?" Ekj kjan dam gott, oba Daut
ess nich dee Gott fonn dee Biebol. Daut ess dee gott
waut enn dee Biebol 'Apolyon' heet, unn 'Apoljon'
mengt dee fubraakja.

H. Oppwies fonn Dam Beesun

Nuu well ekj noch meeja oppwies jawun daut Alchokol
dringkn nich goot ess. Ekj hab judocht, wann ekj
dee Soton Wia, waut wood ekj doon mett Alchokol wann
ekj kunn? Wann ekj kunn dee Biebol brukkun Menchun
maekjun jleewun daut Alchokol dringkn undoont ooda
fleicht soogoa goot wia, daut ess daut iashtu waut
ekj wood doon. Ekj wood proowun Menchun maekjun too
dengkn daut daut jusundt wia Alchokol too dringkn.
Wann doa unn Pradja wia waut doa jaejun radun deed
dam wood ekj maekjun no unn Noa feelun. Dam wood ekj
rauf rann, unn aulus doon wuat ekj kunn daut no dam
nich juhocht wort. Derch Alchokol kaun ekj soo fal
meeja no dee Hall bringun aus mett fal aundrut, daut
ekj wood aulus doon waut ekj blooss maejlich kunn dam
Pradja shtell too maekjun.

Wann sikj ukk falu doot shluujun derch Alchokol, doch
wood ekj proowun Menchun blint too hoolun doa too.
Unn wann ekj kunn, ekj wood soo fal fonn ditt enn dee
Kjoakj proowun nenn too kjrie'un aus ekj blooss
aafunts kunn. Wann daut enn dee Kjoak jeit, dann jeit
daut arjunt wooa. Wann ekj dee Soton wia, Alchokol
wood ekj soo seeja brukkun aus ekj kunn. Wann Menchun
ut fungun daut Drugs seeja shlaicht senn, daut ess
een doont. Wann dee bloos Alchokol dringkn, dann kria
ekj dee doch bolt aun drugs. Jo, Alchokol mutt ekj
proowun enn dee Kjoakj too hoolun. Daut kjricht mie

soo fal jungu Menchun unn fubraikt soo fal burfriedu Lied, daut ekj daut nich kaun lotun daut Menchun daut wuudun fushton waut ekj awa dee Joarun judon hab met Alcohol.

I. Oppwies Fonn Dam Menchlichun

Nuu well ekj noch unn Menchlichun oppwies jaejun Alcohol jawun. Lot onns mol saijun daut Gott werkllich too latt Alchohol too dringkun. Unn daut leidt no fal Sind, soo aus wie weetun daut daut deit. Unn hia sen ekj, bloos unn Mench. Unn ekj sai j daut Alcohol ess shlaicht, daut ess Jefft unn Drugs, unn daut fushtiat millijonundu Menchun, unn daut leidt no fal Sind. Unn ekj rod Menchun too kjeen Alcohol too dringkun.

Wann daut soo wia, wampts Rot wuud nuu bata senn too namun, mient ooda Gott sient? Wann 1 uut 10 waut een Dringk habun Alcoholics woarun, wampts Rot ess bata? Wann 1 fonn 10 Alcoholics sikj daut Lawun namun, wampts Rot ess nuu bata, mient ooda Gott sient? Unn kje jie junt dengkun daut aus Mench, ekj jeemols kunn batrut Rot jawun aus Gott? Daut ess ju nich too dengkun daut daut soont kunn jawun. Na, Gott jefft soon Rot nich.

J. Oppwies Fonn Dam Funinftijun

Wann eena sikj disu Sach nuu mol gaunts derch dengkt, ess daut funinftich (reasonable) Alcohol too dringkun? Enn Jusaija 1:18, wann daut fonn Menchun Sind radun deit dann saicht Gott too Mench, "Komt, well wie onns ditt mol toop derch dengkun..." Dee Seelichkjeit ess nich nu sach waut nich jeit kloa derch too dengkun. Daut ess nich waut, waut eena bloos blint aun nempt. Daut ess soo too fushtonun aus 2 unn 2 maekt 4. Dee kjristolja Gloowun ess nich unfunimpftich. Ekj weet fonn nuscht waut doola funimpftich ess aus dee Shreffft.

Nuu dengt e'mol. Wann Alcohol beidus Jefft unn Drugs ess; wann daut fal Famieljus furitt; wann daut fal ommbringt derch o'jlek, wan daut fal Merda maekt unn Shtala unn Fubraakja, unn noch fal meeja, woo wood Gott dann noch too lotun daut eena unn bat fonn daut dringkun kunn? Ess Maun dann nich fuuts enn dee Jufoa wann dee unn bat dringkt? Wuud Gott saijun,

"Daut ess nich shlaich unn bat dringkjün, oba doo fuuts opp hiarun wann duu iasht unn bat hasst" wann ditt Judrengk eenu maekt no meeja jangkurn? Hiat sikj ditt no dam Gott fonn dee Biebol?

Doa woat eensjumol jufraucht, "Woo ess daut daut dee Frauntshoosun soo fal fattut atun, unn senn doch noch jusunda aus aundru waut daut ukk doon?" Unn dee Auntwuuat ess emma, "Daut ess derch aul dam Wien waut dee dringkjün." Oba, wann dee bloos Wiendruwun Sauft dringkjün wuudun waut nich jujaet haud wuudun dee noch jusunda senn, dann daut ess nich dee Wien, oba dee Wiendruwun Sauft waut doa jusundt ess. Wann dee Wiendruwun eemol jaerun, dann fuliarun dee fal fonn daut goots waut doa benn ess. Ekj hab nich jufungun daut doa aarjunt waut goots ess enn Alcohol, oba Wiendruwun sent jusundt fonn dee Shall butt daut Sot.

Nuu fraug ekj ditt. Wann dee Frauntshoos no onns kjempt shputsiarun, unn ekj beed dam Kofu aun unn dee saicht, "Na dangksheen, ekj dringk nich Kofu", daut ess mie unn doont. Oba wann ekj no dam Frauntshoos foa unn dee bitt mie Wien aun unn ekj saij, "Na dangksheen, ekj dringk nich Wien" dann ess dee jushtat. Woo ess daut?

Bie onns woat fal Hokie jushpalt. No'm game wann waa aundru Seida aunbitt unn dee nempt daut nich, daut ess nich shlem. Oba wann waa dam Beeja ruut holt unn dee naaksta nempt nich, dann well daut omaklich senn. Woo ess daut soo?

Woo funimpftich ess daut Alcohol too dringkjün? Wie mottun onns daut derch dengkjün. Gott hafft onns dam Fushtaunt nich fu nusht jujaft.

K. Oppwies Fonn Dam Heiljun Jeist

Nuu well ekj noch een Oppwies jawun jaejun Alcohol dringkjün. Dee dreda Persoon enn dee 'dreieenichkjeit Gottes' ess dee Heilja Jeist. Hee ess nich bloos unn Jeist. Hee ess nich bloos Gott sien Jeist. Hee ess dee 'heilja' Jeist. Unn wann wie Gott sienu Kjingja woarun derch dee nia Juburt, dann maekt dee 'heilja' Jeist sienu Woning enn onns. Unn doa draicht dee Zeichnus enn onns no onns Jeist, unn doa fonn lia wie fal waut doa raicht unn oraicht ess. Unn ekj jleew

wann wie no disu shtellu Shtemm enn onns horchun, dann
woa wie dam hiarun siajun, "Doo daut nich drinkgjun."

Enn dee Shtats ess unn Pradja dee heet David
Wilkerson. Dee hafft unn Buuak jushrawun waut doa
heet opp Engolsh, "Sipping Saints". Daut mengt
Kjrisstun waut bloos natt dringkjun. Een Kapitol
heet, "Mien benashta Zeichnus." Unn hia shrifft hee
fonn dsum heiljun Jeist unn ekj woa onns dam gauntsun
Kapitol faa lasun:

"Doa ess waut deep enn mie, waut doa shricht jaejun
jieda Judangk daut Jeesus Kjrisstus jeemols hafft unn
Alcoholic Dringkj junomun ooda jumaekt. Wann ekj
kjeenu Shrefftshtad haud ooda kjeen oppwies fonn dee
Wissunshofft, waut ekj hab mett mienu aejunu Uugun
juseen, unn waut mien Hoat jufeelt hafft wuud daut
junuuach senn.

"Ekj go enn dam Brooklyn Hosipitol dam 15 joashun
Jung busakjun waut doa shtoaft doawaejun daut dee ess
fonn Alcohol fujefft. Ekj see unn Jung waut doa enn
nu diestru eewickjeit nenn jeit, fubraakun, twei,
unn busennungsloos. Sienu Uujun senn deep nenn
jusungkun - sienu Bakkun wiesun Knaukus, unn fonn
benn fufuult hee, sienu Lawa ess jufellt mett
shlaichtut - amm sitt daut blaus, unn sienu Hoa
bakkun toop. Victor fongk aun biljun Wien too
dringkun aus hee 10 joa oolt wia. Unn aus hee butt 14
wia, wia hee opp dee Gausun fonn dee Bowery, soo aus
aundru uutjubrendu Alcoholics. He shleep enn dee Gaus
unn daikt sikj too mett Seitungun.

"Wictor shtorf enn unn Hosipitol waut awafoll wia, on
unn Frint too sien nomun. Hee wia bloos eent fonn
falu nomun loosu jungu Manna unn Frujus waut fonn
Alcohol shtoawun enn dee Hosipitols emm Laundt. Oba
wann ekj enn dee aaru shtoawundu Jusechta kjikj, unn
wann ekj daut bu'oobach mett angst fonn daut waut
Alcohol judon' hafft, unn wielt ekj bad awa aarun
jaumalichun Kjarpa, doa ess waut waut enn mie
shrict, "Oo Gott, dien San Jeesus haud niemols kunt
soont maekjun waut soont aus ditt deit to jungu Lied.
Jeesus haud niemols kunt soon Dringk no sienu Frind
jawun waut soont aus ditt deit."

"Proow daut u'mol. Go no arjunt nu shtad woa see dee

doodus hoolun unn kjikj no daut waut doa awajublawun
ess fonn jungu MENCHUN waut emm Foatich too shplat
jukomun senn. See mol wann see dee aaru Kjarpash uut
laijun opp dee Gaus wielt dee Elrun hielun wann see
bekjanun woont aaru doodus senn. Duu woasht ukk doll
woarun, soo aus ekj. Duu woasht ukk wundurn woo
aarjunt waa waut Gott leew hafft, waut rushpaikt
hafft fu Lawun kaun een Drep Alcohol dringkjun. Woo
waa wie onns Jeesus unn dam Apostol Paul toop shtalun
mett soont waut soon seeja shlaichtut bringt? Woo
waucht sikj unn Kjrism soont too dringkjun waut soo
dam doot fushpreet, unn soon angst bringt emm Laundt?

"Proow mol enn unn Motel Lobby too settun lot du
Nacht, unn busee mol dee waut soo shaftich drinkgjun.
Daut budrekt eenum deep. Enn dee druku, Ruuak
jufelldu shtada, senn ruuloosu Lied waut doa frad
saekjun enn nu Budol. Fu Shtundun settun dee unn
dringkun. Dee waut aa bufriedut lawun twei ess senn
doa, unn proowun aaru Falash waich too dringkjun. Dee
waut auleen senn busuupun sikj, unn hopun see kjenn
daut fuseepun. Jungk bufriedu Lied, unn dee waut noch
nich bufriet senn dancun unn dukkurn mett Alcoholol,
unn proowun sikj daut maekjun sheen too gon, waut see
weetun woat aum eng nu laadju Nacht senn, unn ann
lota budrekjun woat. Mett jieda Dringk woarun see
luuda unn driesta. See fingjun unn poa Shtund moot
daut see wada unn Lawun foll Forcht entaejun gon
kjenn. Ekj busee ditt unn senn ershtaunt wann disu,
waut soo fal radun fonn woo sheen ann ditt jeit, no'm
Sikjreet rann unn kolkjun.

"Ekj bu'oobach groot Bukju manna, oppshteitun unn no
dee Maun's shtow gon - unn Fruujus shtolprun no dee
Fruujus shtow - unn ekj well hielun. Aaru Uugun sitt
daut fulaejun; aa shposs ess flak; unn daut shpaat
sikj aus wann see no halp prachurn. See maekjun soonu
Noarun fonn sikj selfts. See shtolprun no'm Sikreet,
weshun sikj daut Muul, unn fangun fresh aun too
dringkjun.

"Wann daut Tiet ess too to maekjun, daut ess toom
jaumurn. See shtaulpurn fonn dee lobby no aaru
Foatija. Ann sitt daut no fuengstut Fee, waut mott aa
Hock fulotun. Dee Judangkun daut dissu Lied nuu daut
lengd dam Haiway shwaeksun woarun ess toom engstun.
See kjenn maest nich mol gon, sonst noch unn Foatich

foarun daut lengd dee drukku Gausun. Ekj hab ditt fal mols juseen. Unn du meeja ekj dee see, du meeja saicht mien Hoat daut dee Gottus San, waut onun Sind wia, haud niemols kunt poat habun fonn sonnu Welt. Jeesus wuud nich soon Dringkj enn Maun sienu Haunt doon, waut dam soo kunn maekjun. Dengk mol wann Jeesus haud een soon Dringkj judeent bie dee Kjasst bie Kana. Wann bloos eena fonn dee Jasst unn bat too fal haud juhaut unn haud wam too shplat jubrocht opp dam Waich no Huus, waut wuud dee janja dam Rechta saijun? "Jeesus deed daut. Hee muuk soon feina Wien. Oba ekj haud unn bat too fal. Ditt pusiad aula bie dee Lied waut sienu Mutta aaru Frind senn"?

"Foat no dee Katolshu Mardi Gras enn New Orleans. Buobach dee hoadun Suupa romm shtolprun derch dee Gausun. See u'mol dee Fruulied waut sikj mett Fruulied fubingjun, waut shtolt romm gon mett unn Beeja enn du Haunt. Bu'oobach woo dee duusundu jungu Shiela eena awa dam aundrun faulun enn aarun budrungskundun tooshtaunt. Horcht e'mol woo see dam gott fonn Alcahol toastun eena toom aundrun. Duusundu fonn awa dee Welt komun toop toom sikj daut lotun sheen gon. Dee Gausun senn wilt mett Music unn daunzun, unn Sind unn suupun. Too tiedun shpaat sikj daut auss wann dee Hall ess awa dee Jrents jurant, unn jieda eena Iat Wien, unn Wiskie, unn Fruu Lied.

"Wann duu unn Kjrisst bess waut doa dam Beesun awakjempst, daut wuud die krangk maekun ditt fer dieun Uugun too seenun. Daut Bilt fonn duusundu waut dee suuparie oppunboa romm shmietun ess too fal fu unn wakjut Hoat aun too seen. Oba een dingkj ess secha-Jeesus Kjrisstus ess dolla fushrokun awa ditt aus wie. Ekj weet Gott truat awa ditt. Ekj shpaa unn bat fonn daut enn mien ajunut Hoat. Ekj weet onun twiewoln, Jeesus unn Alcohol gon nich toop. Hee ess bu'leidicht mett waut daut ess - mett waut daut deit too Menchun, unn daut wie saijun hee hafft soont jumaekt.

"Dee Biebol warnt jaejun dringkj. Waut ol aulus juwordun ess jefft oppwies woo shlaicht daut ess. Unn mien Hoat saicht mie daut ess Sind! Dee Zeichniss waut ekj fonn benn hab saicht daut Jeesus ess jukomun onns fonn soont loos too maekjun, nich daut too rodun!

"Jeesus muuak jujaedun Wien? Paul brukt daut unn rod daut too? Nich enn nu millijondu Joarun! Dee Heilja Jeist enn mie saicht waut ekj jleew aun ditt ess raicht. Ekj hab Gott sien Zeichniss, sien Wuuat; dee Wissunshofft, unn dam Zeichniss fonn benn. Mie falt nich meeja oppwies." - David Wilkerson.

ENTSHLUSS: Soo dann, toom shluss awa dam Teema fonn Wien enn dee Bibol, senn ekj derch. Wie habun aum latstun nuu prooft Oppwies too jawun jaejun Alcohol brukkun fonn dee Bibol, fonn wessu Wiad enn dee Bibol, fonn dee Wissunshaft, fonn daut Jusats, fonn nu grausommu Lia, fonn dam Kjarpa, fonn dam Praktashun, fonn dam Beesun, fonn dam Menchlichun, fonn dam Funinftijun unn fonn dam Heilijun Jeist.

Nuu, leewa Toohiara, aus Rechta awa disum Teema sai j ekj, lot dam Rechtash Homa knaulun bie die. Unn dann go ruut. Go enn dee Wellt nenn, unn law soo daut wann duu iasht farr Gott shteist daut hee woat sai jun, "Komm, mien gooda Frint, duu hasst seeja goot judonun. Komm enn dee Freid fonn daut Himolrikj nenn. Ekj, dien groota Gott, unn duu, mien truuhootja Deena, wellun onns daut opp eewich lotun toop sheen gonun."